

## रेडियो कार्यक्रम २७

चोपन रेडीयो खेम्मानुड पेन्ढ्याडखुबा पा मा हाड बु नानुसाची स्यामुसीड् यो। होईढा डीनी रक्मान आयु स का ग आन्नानूड् यामुचासी टाखेडीड्। आयु स के आन्नामी लागी एट्टान नुए खानावाँ लाटेडूड् हाड् आन्ना सङ्क कानुड न काम खानावाँ खेम्से म पेन्पीड्डानी कामानुड् मीन्दुड्। आयु स के आन्न एक्क एट्टान काम्नुए डुम ईखानी। हाड् ग डुम चैँ के नीवाहाड्मी साप्चीरा बाड् ईमा ठाबाकडानी।

येसुए नाचामे डीनीबी डीनी खोम टीङ्गुबाचीनुड् डीरीक यात्रमीची नुए नुए खानावाँ खेम्मीस्से लोत्रमार येसुए ग डुम खोम् टीङ्गुबाची लोमीम्पा ह।

येसुए आक्खाची होइक काठा लोसुची, “पारूबीऐ हाड्डाम् एक्क यात्रमीऐ उम् रोपाबी काम्नुऐ चारीक् टुप्मीम्पा रत्मान ह। तर चोपन यात्रमीची इम्टीखेम्पा बेला रोपामी टुड्घड्पा सीच्चाखुबा यात्रमी टाःआहाड् मः काम्नुहा चारीकमी लुम्लुम्पी सामा टुण्डउहाड् खाइटा। हाड् आक्खा काम्नुहा चारीक् कैप्पका हाड् उम्चा टेःपकु। आक्कल आक्कुबी सामा सः खाडमुसा।

हाड् टुड्घड्पामी योम्पक् मुखुबाची टाआमीहाड् खो लोसुची, ‘टुड्घड्पो, आने बारीबी काम्नुहा चारीक टुप्मीम्पा हेरने? हेरनी आक्कबी सामा चाइ हाम्पा टाऐ?’ टुड्घड्पे आक्खाची लोसुची, ‘कानी सीच्चाखुबे ग लेःडुवे ह।’ हाड् योम्पक् मुखुबाचीऐ खो सीमुची, ‘आक्कहाड्ग काङ्के आक्खा सामाची डेल्हाड्मेहे टा?’

“तर खोसे आक्खाची लोसुची, ‘आक्क आलेटाने, मान्ठाभने सामा डेन्मार आन्ने म नुड्सोरी सीचाम सः डेनुकाम्नी हला। मसे चाराव खोम्मे लः मेलील ढारी हीच्ची न पुमीटाम्ने। हाड् डेड्पी के चाराव खोम्मे लः टाह्हाङ्के के काम योम्पक मुखुबाची 'यात्रल यात्रल सामा डेनाम्ने हाड् मीःबी टीमाम् लागी मुट्ठा ठुबाम्ने, हाड् सीचाम चाइँ खोमाम्नेहाड् काम् भाक्कारीबी युड्ठाड्साम्ने' कामानुड लोक्कुड्ची’।”

कानीए रोपाबी चाम् लीत्रमार, कोई बेला सामा स आक्खा चाम नुड् न कैप्पम्पा लीत्र, तर कानीए आक्क सामा नुड् चाम बी हाम्पे सामा हाड् हाम्पे चै चाम नुर फाग्मा हेसीनी मान्ठाभने चाम नुड् सामा खाड्माबी एक्क एक्कन लीत्रमी, मसे कानीए चाम् साग्मार सामा न ह कामानुड् लेसी भने आक्क सामा डेल्हाङ्की तर मालेसी भने आक्क सामा स पुबत्रमा पीकी मान्ठाभने आक्क सामानुड् कानीए चाम स डेन् हीकी, तर चाम् होईखेपा साग्मार चाम् नुड् कैप्पम्पा सामा लेपत्रः हाड् आक्क बेला कानीए सामा हेर एक्क स युडीनी आक्क लोत्रमार स सामा मालुक्खेम्पा लोटा

भने कानीए चाम टुम्खे हाड् सामा नुड् चाम् होईक होइक ठालबी युङ्गी हाड् चाम चै नुर युङ्गी टर सामा चै कानीए हील्हाङ्गी, मान्ठाभने सामाए माड् सङ्क योम्पक पीट्टनी।

हाड् येसुए खोची नुर खानावाँ वाऱ्मीमामी लागी आक्खाची लोसुची, “काम्नुःहा चारीक् टुप्खुबा चाइँ याऱ्मीमी पासा ह। बारी चाइ ग बाखाटेम ह। हाड् चारीक् चाइ नीवाँहाड्मी हाड्डाम्मी पासाची ह हाड् सामा चाइ साइतानमी पासाची ह। सामामी चारीक् टुप्खुबा चाइ साइतान ह हाड् सीचाम् खोम्मे लः लोमीम्पा चाइ बाखाटेम् लुक्खेमे लः ह। हाड् चाराव खोम्खुबाची चाइ नीवाँखाटेखुबाची ह। “ माड्पारा सामा डेन्से मीःबी टीः बाखाटेम् लुक्खेऱ्मे लःबी सड्क आक्कन लीऐछ। हाड् आक्क डीनी याऱ्मीम् पासाए टाड्पाम नीवाँखाटेखुबाची पाहाड्कुची। खोचीऐ खोम् हाड्डाम्पी हीड्वा लेखुबाची हाड् लेःऱ्मीखुबाची चोपन खोमुकुची। हाड् हानाम्स ऐसीखेखुबा मीःबी कक्डाड्कुची। आक्कबी आक्खाची हाःबुकमी हाड् केड् यीःगुकमी। हाड् नीवाँनेन याऱ्मीची चाइ उम्ची आपामी हाड्डाम्पी नाम् हाःकमी। आसाम् नाबाक चुः, आक्कसे खेमुर।

पा मा हाड् बु नानुसाची, कानी ह मान्ठऱ्मा याऱ्मी लीमे टा? सामा र लीमेहे? हेऱ्ने । कानी ग चाम् रक्मान लीमा लेकी हाड्ठेऱ्न कानी स ग बाखाटेम् लुक्खेऱ्मे लः टा? हाड्के याऱ्मीचीए खोचीमी चाम टुमु? हाड्के चाम खोचीए नुर युडीन्ठऱ्न कानी स नीवाहाड्मी खीम्पी काम्नुऱ् खेऱ्हीकी, पेन्हीकी, टर सामा र लीसी भने कानी हानाम्न आसीखेखुबा मीःबी सीकी।

ह कानी मान्ठऱ्मा लीमा मीनुकी कानी आक्कमान लीहीकी मसे , हाम्पी खेऱ्मा मीनुकी आक्कमी लाम्फु मुमे आमुमे खानावाँ चै कानी टाड्पाम हुक्पीऱ्न चु। मान्ठऱ्मा लाम्फु ह कानीए मुकी आक्कमान ठालबी कानी खेकी। मसे पा मा हाड् बु नानुसाची आयु बाड्न् कानी स नुए खानावाँबी नीवायुड् लेटीये, नीवाहाड्मी खानावाँबी नीवायुड् लेटीये, कानीए ह न गर लेटी भने ग बाखाटेम् लुक्खेऱ्मे लः टा? हाड् सङ्क कानी नीवाहाड्मी खीम्पी काम्नुऱ् खेकी।

गर कामनुड् आयु सङ्क काम आन्नानुड् यामुचामे लः स लुक्खार, आयु स का आन्नानुड् होईखेपा चुप्मे चुप्लाड् हीग्मानुड् आयु चैँ खाईडा । ह ढारी काम् खानावाँ कानुड्न् पेन्से म खेम्पीऱ्मीम्पामी लागी ओहाक।